

Datum: 08.04.2021		
Org. jed.	Revid broj	Br. priloga
01	1793	

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO OBRAZOVANJA/NAOBRAZBE
I NAUKE/ZNANOSTI



BOSNIA AND HERZEGOVINA
FEDERATION OF BOSNIA AND HERZEGOVINA
TUZLA CANTON
MINISTRY OF EDUCATION AND SCIENCE

Broj: 10/1-34-006908-1/21
Tuzla, 05.04.2021. godine

Na osnovu člana 30. stav (4) Zakona o visokom obrazovanju („Službene novine Tuzlanskog kantona“, broj: 07/16, 10/16, 5/17, 15/17, 15/19 i 9/20) i člana 26. stav (1) Pravilnika o postupku akreditacije visokoškolskih ustanova i studijskih programa („Službene novine Tuzlanskog kantona“, broj: 9/16), u postupku rješavanja po zahtjevu visokoškolske ustanove Javna ustanova Univerzitet u Tuzli (u daljem tekstu: JU Univerzitet u Tuzli), ministarstvo obrazovanja i nauke Tuzlanskog kantona (u daljem tekstu: Ministarstvo) donosi:

RJEŠENJE

o akreditaciji visokoškolske ustanove JU Univerzitet u Tuzli

1. Akredituje se Visokoškolska ustanova JU Univerzitet u Tuzli.
2. JU Univerzitet u Tuzli je ovlaštena da dodjeljuje akademske titule, zvanja i izdaje diplome koji se stiču izvođenjem studijskih programa na ovoj ustanovi.
3. Rješenje o akreditaciji izdaje se na period od pet godina.
4. Obavezuje se JU Univerzitet u Tuzli da najkasnije šest mjeseci prije isteka roka iz tačke 3. ovog rješenja podnese zahtjev za ponovnu akreditaciju.
5. Ovo rješenje stupa na snagu danom donošenja.

OBRAZLOŽENJE

JU Univerzitet u Tuzli je podnio Ministarstvu zahtjev za institucionalnu akreditaciju. Podneseni zahtjev Ministarstvo je zaprimilo pod brojem: 10/1-34-035462/20 od 27.10.2020. godine. Ministarstvo je dokumentaciju dostavljenu od strane JU Univerzitet u Tuzli aktom broj: 10/1-34-035462-1/20 od 05.11.2020. godine i aktom broj: 10/1-34-035462-2/20 od 10.11.2020. godine, dostavilo Agenciji za razvoj visokog obrazovanja i osiguranje kvaliteta BiH (u daljem tekstu: Agencija) sa prijedlogom za imenovanje članova domaćih i međunarodnih stručnjaka Komisije stručnjaka za akreditaciju JU Univerzitet u Tuzli (u daljem tekstu: Komisija).

Broj	100/11 i 26/19	10
Godina	2021	
Stranica		

Nakon što je Agencija utvrdila da se predloženi članovi Komisije nalaze na Listi stručnjaka iz člana 48. stav (1) tačka c). Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), te da je predloženi broj i sastav Komisije u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik BiH“, broj 100/11 i 26/19), Agencija je u skladu sa članom 49. stav (1) tačka d). Okvirnog zakona, imenovala Komisiju Rješenjem broj: 05-33-01-390-4/20 od dana 05.01.2021. god.

Komisija je u skladu sa Planom i programom posjete predmetnoj visokoškolskoj ustanovi, realizirala posjetu u martu 2021. godine te nakon toga sačinila Izvještaj o eksternoj evaluaciji JU Univerzitet u Tuzli.

Dana, 12. 03. 2021. godine Komisija je Agenciji dostavila Izvještaj o eksternoj evaluaciji JU Univerzitet u Tuzli, radi izdavanja preporuke o akreditaciji visokoškolske ustanove. U skladu sa Odlukom o normama, Komisija je ocjenila ispunjenost deset kriterija za akreditaciju opisnim ocjenama i to: politika osiguranja kvaliteta-znatno ispunjen, izrada i odobravanje programa-znatno ispunjen, učenje, podučavanje i vrednovanje usmjereni na studenta-potpuno ispunjen, upis i napredovanje studenata, priznavanje i certificiranje-potpuno ispunjen, nastavno osoblje-potpuno ispunjen, resursi za učenje i podrška studentima-potpuno ispunjen, upravljanje informacijama-potpuno ispunjen, informisanje javnosti-potpuno ispunjen, kontinuirano praćenje i periodična revizija programa-potpuno ispunjen i periodično vanjsko osiguranje kvaliteta-znatno ispunjen. JU Univerzitet u Tuzli bi trebala po prijemu Rješenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvati imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima, vremenski okvir za realizaciju preporuka kao i potrebne finansijske i ljudske resurse, te definisane mjerljive indikatore za praćenje realizacije Akcionog plana.

Na osnovu Izvještaja i mišljenja Komisije da visokoškolska ustanova JU Univerzitet u Tuzli ispunjava propisane uslove za akreditaciju, Agencija za razvoj visokog obrazovanja i osiguranje kvaliteta BiH, dala je Preporuku o akreditaciji broj: 05-33-1-390-7/20 od 24.03.2021. godine i istu dostavila Ministarstvu na daljnje postupanje.

Na osnovu naprijed navedenog, Ministarstvo je cijeno da su ispunjeni svi propisani uslovi za izdavanje institucionalne akreditacije podnositelju zahtjeva, te je donijelo odluku kao u dispozitivu.

Pravna pouka: Rješenje o akreditaciji je upravni akt protiv kojeg nije dopuštena žalba, ali se može pokrenuti upravni spor pred nadležnim sudom.

DOSTAVLJENO:

- 1 x Univerzitet u Tuzli
- 1 x Agenciji za razvoj visokog obrazovanja i osiguranje kvaliteta BiH
- 1 x Evidencija
- 1 x a/a



MINISTAR

Dr.sc. Elvis Baraković